

永樂大典

卷二千三百六十
七

永樂大典

卷二二六六

永樂大典卷之二千三百六十七

六模

蘇

蘇州府十九

冢墓

蘇州府志周禮墓大夫掌凡邦墓之地域而為之圖後世無有也然想牧
 有禁發掘有刑則著于律書吳由春秋而下數千載之間墟墓猶有存者
 於是類古圖經之所紀而以宋元者附益之泮世世有考焉 巫咸墳吳
 地記云在長洲平門東北三里巫咸商大戊時賢臣是為巫門故為巫咸
 山按越絕書虞山巫咸所出離騷亦云巫咸說者以為古神巫也巫咸冢
 在長洲縣海虞山上咸殷賢臣也本吳人子賢亦在此見史正義 吳太
 伯墓吳越春秋云太伯卒葬梅里平墟梅里今常熟縣史記正義引括地
 志太伯冢在吳縣北五十里無錫縣界西梅里村鴻山上去太伯所居城
 十里吳地記又云太伯冢在吳縣北去城十里未詳孰是 吳君仲雍墓
 史記索隱云吳地記曰仲雍冢在常熟縣西虞山上與言偃冢並列寰宇
 記曰虞山有仲雍齊女墓東是仲雍西是齊女梁昭明太子招真治碑云

永樂大典卷二千三百六十七

遠望仲雍而高墓蕭瑟傍臨齊女而哀壘蒼茫碑刻尚存而墓今不知孰
 是吳地記仲雍墓在海虞山東嶺 言偃墓吳地記云與仲雍墓並列在
 常熟縣 吳王闔閭墓在長洲縣西北吳越春秋闔閭葬於國西北穿土
 為山積壤為丘發五郡之士十萬人共治千里使喪捷土鑿池四周水深
 丈餘銅槨三重泗水銀為池池廣六十步黃金珠玉為鳧鴈扁諸之劍魚
 腸之下在馬葬之三日金精上揚為白虎據墳故曰虎丘越絕書云闔閭
 冢在昌門外名虎丘下池廣六十步水深丈五尺銅槨三重泗池六尺玉
 鳧之流扁諸之劍三千方圓之口三千樂即此即字之說也魚腸之劍在
 馬十萬人築治之取土臨湖口築三日白虎居上故號虎丘漢劉向疏云
 吳王闔閭禮葬葬十餘年間越人發之吳地記云秦皇求吳王劍虎復
 踰馬遂走二十五里而失因名其地曰虎踰唐陸贄為許岑相傳墓即虎
 丘寺法堂基也 吳王夫差墓在陽山越絕書云越王棲夫差於餘杭山
 去長洲縣五十里人云夫差冢在獨亭西卑歇位越王偃干戈人以一塚
 土葬之近太湖去縣十七里吳越春秋云夫差既伏劍越王以禮葬之秦
 餘杭山碑猶存亦葬其傍云即此史詩正義夫差棲於姑蘇山轉戰西
 北改於十遂十卷之遂作陸在蘇州西北四十里萬安山有蓬山 吳王

越絕書蛇門外大丘吳王不審白冢也去長洲縣十五里又越絕書築塘北山者吳王不審名冢去長洲縣二十里匠門外攏溪濱中又越絕書齊女大冢吳王不審名也去長洲縣四十五里周章墓按郡國經周章閭閻長子墓在常熟縣海虞山上吳王僚墳在吳縣西一十二里岸等山西慶忌墳在吳縣東北二十五里吳王僚子也今云慶墳見吳地記按御覽引吳地記云在長洲縣齊門外今十四都有慶忌廟齊女墓吳越春秋云吳太子娶齊女女思齊而病將死曰必葬我於虞山之巔以望齊國閭閻傷之如其言葬虞山之巔吳女墓在長洲縣閭門外按越絕書云閭閻子女冢在於閭門外道北下方池廣四十八步水深二丈五尺池廣六十步水深丈五寸墜出廟路以南通姑胥門并周六里舞鶴吳市殺生送死吳越春秋云閭閻與夫人及女會食蒸魚王前嘗半而與女女怒曰王食魚辱我乃自殺閭閻痛之葬於國西閭門外鑿池積土文石為槨題奏為中以金鼎玉杯銀尊珠襦之寶送女乃舞白鶴於吳中命民隨觀使男女與鶴俱入羨門因發機掩之殺生送死國人非之又取土時其地為湖號女墳湖策宇記引郡國志云玉女墳在郭西山川記云夫差小女名玉墳在閭門外御覽引吳地記云閭門外女墳者閭閻女墓文石為

水樂大典卷三千三百零七

二

槨藏金玉珠說以人從死高墳深池池水成湖與虎丘俱見發掘無所得也朱長文墳圖經云一說夫差小女字玉觀父之過愛國之危願與韓重為偶志願不果結怨而死夫差葬之閭門外女化形而歌曰南山有鳥北山依羅鳥既高飛羅當奈何志欲從君說言孔多悲怨成疾殒身黃坡竊詠此詩亦有深旨殆此女生時所賦邪南山有女喻越也北山張羅制越非其所也鳥既高飛勾踐之盛也羅當奈何夫差不可制越也志欲從君說言孔多謂雖欲從父之命奈何其聽讒言而忘忠議彼韓重之怨蒸魚之怨殆非也吳郡志皮日休女墳湖詩為貴十卷已寂寥可憐忠憤不誰憐何知韓重但思亦在吳吳向水內陸龜蒙水牛渡淡遠也塘鵝狗人說第古海難是難鬼哭不存至今沙上少鴛鴦夫差義子墳一十八所在長洲縣秦餘杭山東又號亞父冢見吳地記吳太守寧越墳在長洲縣陽山吳安離墓在吳縣西四里閭門南城內吳地記曰在秦伯廟南二百五十步相傳在蘇門橋西城下馬安樂墓有碑座墓嘉定十六年提刑司被旨修城此地多得古墓詳吳地記互見吳地記墓吳地記注安離墓在吳西伯廟墓在其北吳中公巫臣冢郡國志云在匠門西南按祥符圖經云在將門外吳地記云在平門外衛公子冢越

絕書。晉女南小蜀山春中君家街公子家也。去吳縣三十五里。吳將軍孫武冢。越絕書云。巫門外大冢。吳王容孫武冢也。去長洲縣十里。善為兵法。東漢書引望覽云。在吳縣東門外。天地記云。在平門西北二里。吳俗傳其地名永昌。干將墓。在長洲縣巫門外。干將與區冶同師。其妻曰莫邪。吳王使鑄劍二。干將匿其陰。王殺之。續記云。在將門外郡中鐵工。多取墓傍土以冶刀斧。天師志。吳地記曰。巫門本名干將門。門外有干將墓。後始訛呼為巫門。餘見土物條。越王冢。越絕書。蒸山南。夏駕大冢者。越王不審名冢。去縣三十五里。越王冢。越絕書。巫門外。寬山大冢。故越王王史冢也。去長洲縣二十里。莫格冢。越絕書。虎丘北。莫格古賢者。避世家。去長洲縣二十里。貴人家。越絕書。土山春中君時治。以為貴人家。次去吳縣十六里。漢朱梁墳。在長洲縣東門東南二里。梁本名聲。避和帝諱。改為。為正議大夫治書御史中丞尚書。莫吳二郡太守。吳郡朱氏。多其後也。塘北有顧三老墳。一作穆。按正議大夫。漢無之。冀州亦非冀郡。漢三老顧綜墳。在長洲縣東門外。吳人辟有。道歷御史大夫尚書令。殿上三老。明帝襲三代之禮。正月上日。踐辟雍。殿杖几。乞言。受誨焉。吳丞相維其裔孫也。事見顧况所撰廟庭碑銘云。刊石。莫門德輝不滅。碑亡。漢潁川

永樂大典卷二千三百六十七

三

太守陸宏墳。在長洲縣平門西北三里。或云。在華亭縣西北四十里。漢豫章太守陸烈墳。在長洲縣秦餘杭山。見吳地記。按詳符圖經引吳地記。虎丘山西北十里。有水名曰白坊。又北十里。有胥屏亭。東岸有漢豫章都尉陸烈墓。漢山陰令陸寂墳。在陸烈墳東二里。見吳地記。漢黃香墓。在常熟縣梅里鎮。香字文疆。江夏安陸人。性至孝。詳具東漢本傳。乾道初。梅里有蘇忠翊直。卜葬得古冢。乃黃香墓。碑刻皆隸字。首兩句八字中。二字不可識。此陸烈父。葬于梅里。或云。其碑陰乃會稽東郡都尉張紘誄。又有薛綜修祠。日月題刻。其可辨者八字。予復孫境。但登三事。蘇氏孀歸于家。夜有光怪。并棄毘承湖中。按寰宇記。黃香墓。在房陵縣東。漢蜀郡太守張廉墳。俗名鳳凰墩。在吳縣界。俗云。在閶門外。原考之。氏族無所見。唐宰相表。有漢蜀郡太守張姓。漢皋伯通墳。在吳縣胥門外。魏伯通墩。吳地志。漢馮煖墓。在吳縣東北二里。即煖所居。死葬其側。至唐墓碣猶存。漢奉卑都尉衡州刺史吳燁墓。吳地記云。在吳縣姑蘇山北十二里。胥口東岸。燁字光修。丹陽太守。景之父也。漢梁鴻墓。在吳縣西四里。安離墓北。後漢書云。梁鴻字伯鸞。扶風平陵人。娶同郡孟光字德輝。共至吳。休皋伯通。鴻閉門著書十餘篇。疾且困。告主人曰。昔延陵季

子葬於瀛博之間。慎勿令我子持喪歸去。及卒。伯通等求葬地於吳。要維
家傍。咸曰。要離烈士。而伯鸞清高。可令相近。葬畢。妻子踣扶風。唐陸龜蒙
云。在金昌亭傍。幾一里。續志云。今閭門南城內。法會庵西。有古冢二。相傳
為要離。梁鴻墓。咸云。在閭門外。金昌亭傍。按南史。宋少帝歿于金昌亭。帝
史。走出閭門。則亭在城內是。吳郡志在太伯廟南。與要離墳相並。陸龜
蒙云。伯鸞墓在吳門金昌亭下。幾一里。嘗作文以祭焉。陸龜蒙詞云。
先生為五噫之歌。漢天子聞而病諸。南走乎大江之波。客辜氏之宇下。志
沉潜而靡他。白吳琴以舉舊夫人之勳亦多。不懷土於將沃。適乎道之無
題。此要離之烈窟。冢雖夷而不磨。嗟余後先生之千祀。聊奉奠而末過。俯
灌地而仰語。願先生之謂何。二編性說。客他之宇下。不得。故力耕而自穫。
所以法先生之美。庶五噫之可學。漢豫州刺史孫堅妻。吳夫人。及其子
曾。稽太守策三墓。並在盤門外三里。載於唐陸廣澈吳地記。即今齊昇院
東南墓前有小溝。曰陵浜。祥符圖經云。孫堅塚。鄉俗稱為孫王墓。按吳書。
堅死於初平三年。年三十七。策死於建安五年。年二十六。堅妻吳氏死於
建安七年。合葬堅墓。黃龍元年。權追尊堅為武烈皇帝。廟曰始祖。墓曰高
陵。吳氏為武烈皇后。策為長沙桓王。太元元年八月朔。大風拔吳高陵松。

栢石碑。踈即城南門飛落。勳晉陽秋云。惠帝元康中。吳令河東謝詢。未為
孫氏二君。置守冢五人。修護掃除。有詔從之。其文張俊所作。今載文選。宋
政和六年。村民發墓。輒皆作篆隸。為萬歲永藏之文。得金玉奇器甚多。有
東西銀栝。初若聚花。良久化為腐土。并金掛頭十數枚。金握臂。或悉皆如
新。一无熏爐。與近世陸墓所制略似。而箱底灰炭。猶存碑石斷缺。屢餘中
平年三字。字將遂命掩之。所得古物。盡歸朱面家。洪躬香譜亦略載此事。
即揚友愛所賦。孫豫州墓者是也。洪氏三庚志云。盤門外大家。紹熙二年。
秋而墳圯。牧童入其間。得銅器數種。持償於市。鄉人往視。北處蓋其隧首。
有石刻隸書云。大夫長沙桓王之墓。赤烏三年。凡十二字。知府沈揆。亟命
掩塞。仍立石表。其所。勝歲為記。袁席之謂策死。距赤烏三年。已四十載。豈
非權稱制之久。復改葬乎。所得之器。勝歲一小鏡。其背有銘十四字。一小
麟。紙無款識。以遺席之。嘉熙中。墓傍土中。又得唐孫得琳墓志。云。開元
十年。定于十四代祖。吳武烈皇帝陵。東南平地。又按丹陽圖經。載高陵在
縣西練塘鄉。吳陵。港以傳記。證之。當是墓葬曲阿。後遷于吳史不及詳載。
爾。勝歲所記。謂紹熙中。提舉常平張體仁。嘗命其屬表之。題曰。先賢墓。徐
誰屬。歲考訂。正從俗稱。孫王墓。成蓋專據陳壽說。破虜葬曲阿。獨指此為

永樂大典

卷二二六六

伯符之墓亦未詳謝詢所表不審三墳同域以友愛詩為差謬故論說紛紜白相抵牾舊志既莫能是正故詳載始末云墳志云魏吳綱立孫堅廟寺取長沙王墓於樊城守記澤州有長沙王吳為廟并墓在長沙縣北又長沙定王廟在縣東北孫破虜祠在縣南又在吳縣吳郡志孫破虜王墓記云出盤門三里有高塚或傳其冢墳又在側曰萬歲水歲則其傍老人曰孫王墓也又曰孫氏長沙王也或傳其先世之說蓋嘗發取歲金玉未嘗敗復有碑已斷缺不全止辨有中平年三字復掩之後郡置窰其旁取土為磚埴窰官窰後人以投民田收其上前常平使者相叢家建壽昇院與孫墓相附近故有或會孫他官將去職一日始得其事立命其屬長之為之表者不取詢攷題曰先賢墓今使者以為失事實不可示久矣即命吳縣主簿劉允武訂其事乃其條所得冢旁老人之言以報會成記之按陳壽志長沙王字伯符始父漢爵為吳侯大皇稱帝追封長沙威王而其子紹嗣封於吳此墓當蓋攷時有楊友愛背紹者作詩平之乃以為孫破虜墓陳壽志破虜墓在曲阿楊詩固已差謬則所傳長沙王首崇是據中平元年朱鳥表破虜為佐軍司馬討孫角楊蓋據研有中平年字攷定以為破虜而不攷其史江表傳載破虜為馬佐軍留家壽春長沙王

方十餘歲已能與知名士交周瑜自舒未壽春勸王使舒則碑之所稱或為王也又壽志及裴松所補孫氏自破虜而下皆出所葬地獨王不言葬而王之墓其將周瑜呂範皆赴喪于吳至大皇始用張詠計自吳徙林陵則王之墓當在吳也然碑今既不存攷訂而表之其傳疑曰孫王墓者從俗稱也詳詔序其詩又稱蓋所得冢中物有東西銀杯金搔頭金指臂瓦薰爐中灰炭猶存其物皆歸來而冢實政和丙申也前使者姓詹以石誌仁字元善今使者姓徐氏字子宜紹熙三年三月日記揚友愛詩聞開城南荒之丘昔誰葬者孫豫州久無從容為下馬時有牧童來放牛居於珍寶出先惟識者夜見蹤其由玉環金盤到城市上花不餘餘千秋州家原則至新守賊曹掩格窮盜偷已知其中有可攷亦恐未竟無窮憂當時義師奮四海少日已無表與劉吳雄傑世深如在思露無乃為神蓋人未浮脫無可料姝姝烏色從所求馬陵勸爾一酒自古南山能絕不吳偏將軍步騭墳吳地記云在吳縣東北三里一百步有石碑石羊今臨頓東南或作左威將軍今為長洲吳侍郎朱桓墳在吳縣橫山見吳地記真娘墓李公垂詩序云真娘吳之妓人歌舞有名者死葬虎丘寺前吳中少年從其志也墓多花草蔽其上雲溪友議云墓在虎丘路傍園經

云在雲巖寺西南山下。唐人造此者多有篇詠。進士譚銖亦題一絕。詞人之重色。由是稍稍息。羊館留書曰。有真娘墓詩一卷。即志公墓詩云。

一林雙龍。水城盡雙樹。松門思草土。松能自隨風。堪滅愛心難。逐雨花輕。空洲波月空。碧影照。鳥巢虛有聲。還似錢唐蘇小。秋應回首是柳州。

唐樂子諱銖題云。虎丘山下。家棠棠。松柏蕭條盡可悲。何事世人唯重色。真娘墓上獨留詩。白居易詩。真娘墓。虎丘道。不識真娘鏡中面。唯見真娘墓頭草。霜摧桃李風折蓮。真娘死時猶少年。脂膚美手不牢圓。世間尤物難留連。難留連。易銷歇。塞北花。江南雪。王禹偁詩云。女命在

于色。士命在于才。無才無色者。未死如塵灰。虎丘真娘墓。止是空土堆。香

麝與感骨銷散。如黃埃。何事十百年。一占長在哉。吳越多婦人。死即藏山

隈。無色故無名。丘家空雀巢。唯此真娘墓。客到情徘徊。我是好名士。為爾傾一杯。我非好色者。後人無相咍。楊備詩云。冰肌玉骨有貴妍。粉作

嬌雲黛。作煙。知有香魂埋不得。夜深巖底月中仙。晉廢帝陵。相傳在常熟縣白茆市。侯白旌異記云。有盜發白茅冢。而棺內大吼如雷。野雉志唯。飛跋赫然。其盜多被燒死。按晉書廢帝吳字延陵。大和六年。桓溫廢為東海王。咸安二年。降封海西縣公。邑四千戶。四月。徙吳。大元十一年十一月。

永樂大典卷三千三百六十七

甲申崩于吳。年三十五。與庾后合葬吳陵。晉司空何亮墓。在吳縣西一十五里。乍葦山東一里。見寰宇記。按史何氏過江。自司空亮並葬吳西山。

晉大尉陸玩墓。在吳縣維龍山。子納尚書令。亦葬此山。按史玩卒。給兵千人。守冢七十家。太元中。以玩有佐命勳。先陪陵而葬。由是特置與平伯

官屬。以衛墓。則玩葬當在建業。晉驃騎將軍嘉興元公顧彥先墓。寰宇記云。在長洲縣赤門外九里。或誤云。上將軍陸廣微記云。在吳縣東南二

十里。側有左威將軍張敬瑄寢。在今郡城對門東六里。長洲縣皇天蕩南。二十九都鄉俗云。顧榮墓。墓西有祠。題曰顧將軍廟。按晉書彥先卒於懷

帝永嘉六年。時戴洋善風角。或問江南當有貴人。顧彥先周宣佩。曾是否。洋曰。顧不及臘。周不見。來年八月。榮果以十二月十七日卒。十九日。臘。以明年七月晦日亡。沈約宋書武帝咸寧四年。詔禁斷石獸碑表。其犯者

雖會赦。令皆當毀壞。元帝大興元年。有司美故驃騎府主簿。故恩營葬。舊君顧榮。求立碑。詔特聽立。考其年之歲。在壬申。而葬在戊寅。相距七載。乃

音室中興之時也。晉廬江太守顧繇墓。在長洲縣齊門東北二里。今有闕墓村。繇德行清高。封闕內侯。見吳地記。王墓。鹿舟客話云。在長洲縣

郡城東三里。有水。鄉曰王墓。父老相傳為晉右軍王逸少之墓。按右軍與

弟書云墳墓在臨川者行欲改移就吳中終是所歸 晉陸凱墓在長洲縣西鳳凰山 晉光祿大夫淮南內史朱誕家在長洲縣婁門外一里 見寰宇記 晉吳國內史袁崧墳在吳縣橫山東五里 晉東曹掾張季鷹墳在吳縣橫山東五里 晉江蘇墓木漬孫起卿於天平山下地名上沙獲墓碑以大方甄刻之其略云墓養父諱本父道字畫俱存其軀與石不異起卿有詩按譜道字墓給事中墓子乘之乘之子徽道並吳令 譜無所考夫郡志起卿為賦詩 家有古塚碑近自曰家獲藏之五六十年未甚見者錄古昔後大理封始莫識倘然嗟其窮一一為磨剔始若漫無文如尋適可墳夫云晉江蘇長夜垂刻自石殊不用塊然但墳墳合葬無別銘背面書反覆一字不涉華本枝記明白二父遂兼書於道乃宋嫡志云養父諱本父道也考諸晉史為真是小出入字畫亦無切然不類錫斷漢魏尚豐碑此獨何福迫豈時丁喪亂不暇如品式乎時義熙季歲次實庚戌五柱去中原與午冀南極前簡理宜爾寧詔不考責審訂統昭然疑去喜自適歷年七百餘晉爾駒說陳名跡苟不傳埃化先瓦石真在當眼前用代銘几席 瞿硎先生之墓在常熟縣直塘市廣安寺嘗浚塘得古塚刻碑稱瞿硎先生字鵠子廣川人隱居不嫁葬於東陵武丘寺重岡之

原武丘蓋廣安舊額今其地尚多瞿姓晉書陸逸傳瞿硎先生者不得姓名亦不知何許人也太和末嘗居宣城郡界文卷山中山有瞿硎因以為名馬大司馬桓溫嘗往造之既至見先生被麻裘坐于石室神無忤色溫及僚佐數十人皆莫測之乃命伏滔為之銘贊竟卒於山中正猶孫叔敖史夫其名得其碑乃知名饒瞿硎之字亦近於此 梁給事黃門侍郎陸雲公墓在吳縣橫山俗稱陸墓山其墓北為陸士龍墳今相傳為陸機墓皆非也 雲公字子龍武帝恩遇甚厚太清元年卒年三十七帝悼惜之詔射日舉哀時錢五萬布四十匹雲公之子瓊初侍東宮母隨在官舍後主賞賜優渥至德中為吏部尚書丁母憂喪當還鄉詔加時贈并遣謁者黃長貴持冊奠祭後主自製誌銘朝野榮之瓊以哀毀卒 梁朝公主墓在長洲縣西北即妙嚴尼寺後大丘丘也相傳梁武帝之女出降郡人孫瑒此事即其故宅迄今尚祀版位於佛殿題為妙嚴公主西去路直如矢可百許步河濱有一石馬號石馬陸云故神道又著舊相傳墓上有廟年遠墮毀惟廟前古栢存焉按妙嚴寺置於太平興國元年漢許將軍墓上 吳地記云郡城通玄寺大殿東南角有漢許將軍墓至唐改葬嚴祺既遠故莫有知其處者今寺所祀伽藍有許刺史無將軍之稱 蕭天子墓

廣元志云在常熟縣寶嚴寺東丁家灣之西故老相傳云蕭天子墓上有古木樵牧不敢近不知何帝也按史梁廢帝海陵王鬱林王皆為蕭鸞所廢然不云葬其屠蕭存父顯士名播天下上常虛異等皆執弟子禮號蕭夫子存嘗為常熟主簿其父死或葬於此地不可知恐是蕭夫子墓訛夫作天耳然史謂顯士客死汝南又未知果葬於此否也姑備所聞以俟博識又江陰志蕭天子墓在良信鄉有大土封號倉堆其地相傳為蕭天子墓人按宋史梁廢帝為江陰王想蕭子卿嗣陳大建二年除侍中溥子以就子卿買梁陵中樹皆坐元既此觀之墓亦有自矣陳黃門侍郎顧野王墓在吳縣橫山東平地不起墳其地近越來溪紹興中叫石斷裂尚巍然植立後為醉人推仆碎于地唐駕臺侍郎顏崇墳在吳縣泰仁唐西唐史部尚書姚邵之墳在吳縣南五里一百步見吳地記唐閻將軍冢在常熟縣勝法寺東寺即元和中間氏舍宅所置唐莊府君墓在嘉定縣城南門外漢國忠忠侯墓在嘉定縣外埋之西孫朝儀墓一在嘉定縣城西護國寺後一在項涇西二在集仙宮東其子墓也譚太史墓在嘉定縣月浦趙儀曹墓在嘉定縣登平橋北唐贈補闕陸龜蒙墓在長洲縣甫里傍有白蓮寺撫言龜蒙中和初卒給事顏兼為誌吳融作文祭之凡十餘言宋胡武平又撰碑銘唐陸宣公墓在長洲縣齊門外六里虛舟客話云在官河之西地名陸墓水名陸塘溥祐中嘗於墓傍得遺刻與所傳合惜于不傳郡人周虎張震發皆訂其事或謂宣公卒于忠州其喪不曾還吳而忠州圖經云墓在玉虛觀南三十步陸宣公葉葬于此或云公已歸葬吳中而忠南特虛冢爾據此則齊門之墓尤可信唐贈丞相左丞克圓公陸象先墓在吳縣光福山西象先為太子太保封克圓公開元二十四年七月辛詔贈尚書左丞賻物二百改米粟二百石唐周軍魯國夫人墓在奇志云嘉泰中齊門外采蓮里窰戶張七起土作塚於古墓側待一方石上題八字又云長慶三年四月十四日葬於陸墓里通賢鄉之原按周軍疑作周君唐吾侍威妻顧氏墓在長洲縣唐朱氏墓在吳縣穹窿山傍墓碑有云先居下邳自平始三年避地至會昌壬戌凡八百四十二年籍于吳故有邳村之名叙朱氏過江之祖并子孫官爵字多湮泐俚俗妄云漢朱買臣之墓按劉鍊隋唐嘉話云東封之歲洛陽平御路北市東南陷得銘漢丞相長史朱買臣墓云蒼言市千載之後何誰是七十年宰相據此則嚴越二州圖經所載及買臣葬嘉興縣界皆臆說也歸王墓在虛舟客話云吳縣城西二十里平原有大冢俗

永樂大典

卷二二二六六

稱師王墓考之圖經或歸融所葬融自龍山南西道即度徙東川終於少
 傳初無王稱為可疑爾嘉熙中居人墾土得石方一丈五寸厚二寸許其
 中隆起二寸上八分書云唐故陳留言夫人墓志言一作即凡三行九字
 以維下殺皆刻瑞芝為墓隣鍾氏所藏乃志石之蓋耳 吳越中吳軍節
 度廣陵王錢元璩墓 吳越中吳軍節度威顯公錢文奉墓並在吳縣橫
 山榜祀寺傍有墳祠號明因院裔孫公著撰碑 李墓在常熟縣東南四
 十五里父老相傳吳越錢王遣將梅世忠李開山七梅李開山卒葬於其
 傍十八里故曰李墓其上堅緻如石斷之有聲今土人或謂之李王墓梅
 李蓋因二將得名 幽獨君墓在吳縣大曆十三年虎丘寺有地題詩二
 章隱於石壁上觀察使李道昌以事奏聞勅令致祭後數日石上復隱出
 一詩有云欲知潛寐處山北兩孤墳莫詳姓氏故稱為幽獨君今山北有
 二墳猶存皆陵胡宗愈有幽獨君賦 宋附馬都尉石端禮墓在吳縣
 宋陳國靖懿公主墓在吳縣周益公游山記云合葬黃山法雲寺堂上按
 國史哲宗女始封瀛國大觀三年出降改陳國長公主卒諡靖懿 宋靖
 懿帝姬殯所在常熟縣東七十二里有哀親崇惠寺政和七年賜額當以
 惟居於此後葬吳縣黃山 宋贈金紫光祿大夫葉恭恭墓在吳縣真山

永樂大典卷二千三百六十七

葉恭昇州人歷朝請大夫居蘇州于唐樓 宋直龍圖閣知潭州陳睦墳
 在吳縣支硎山南峯 宋會稽內史張裕墓在吳縣西二十七里華山見
 寰宇記 宋贈刑部尚書朱億墳在吳縣支硎山西龍池東山子綽光祿
 卿贈少師墓附焉 宋太子洗馬許仲容墳在吳縣郡城西 宋初賜白
 蓮花夫人朱氏墳在吳縣乃朱億女也 宋刑部郎中贈少師朱季端墳
 在吳縣孫志曾孫昌附 宋贈銀青光祿大夫朱良墳在吳縣季端子見
 忠義傳弟白哥附 宋中奉大夫提舉廣南市舶朱思墳在吳縣支硎山
 青龍岡孫謙附焉 宋青州刺史郁泰玄墳泰玄性多仁恕德感鳥獸葬
 日群燕數千銜土於墓上今冢猶高大與他墳有異村鄉歲時祭祀不絕
 右見蘇州冢墓記未詳處所按吳縣西南七十里有玄墓山恐即其地故
 附此 宋制奉郎知泰州如皋縣朱振墳在鹿山 陸丞相墓在常熟縣
 開元鄉岡下村墓左有大墓洪昔村民沒淫得朱漆板古刀錢鐵牌然未
 知丞相為誰也 宋湘東太守張濟女稚兒墓在吳縣元徽七年葬在生
 德鄉今俗訛稱宜山 宋朝散大夫膳部郎中葉唐稷墓在吳縣政和元
 年葬真山陳瑩中銘按吳縣但有真山蓋當時因地名遂為真山耶更復
 考之 宋錢藻母永嘉郡夫人丁氏墓在吳縣 宋翰林侍讀學士錢藻

墓在吳縣曹子固撰志。並在天平山。龍岡。宋禮部侍郎蔣堂墓。在吳縣橫山曹塢。堯峯寺傍。至和元年九月葬。門人邵必志。後十年胡宿撰神道碑。宋戶部侍郎贈太尉鄭文肅公墓。在吳縣。宋翰林學士葉清臣墓。在吳縣橫山寶華寺傍。清臣與鄭。故為莫逆交。不踰月而卒。同時葬。吳下。蓋皇祐中也。宋贈司徒富嚴墓。在吳縣橫山寶華寺傍。宋屯田郎中林高。并妻黃夫人墓。在吳縣。劉頌銘云。林氏福清人。葬兩世於吳。携諸孫居此。傍無支親。援助夫人。粗衣惡食。訓誨諸子。以嚴濟慈。士大夫稱為賢母。治平四年正月。附葬夫墓。其始居吳。門庭甚謹。里巷外事。邈然若無聞。歲久。郡人服而化之。宋集賢校理林榮。并妻墓。在吳縣。宋尚書左丞。吳國公林希。墓並在吳縣橫山寶華寺傍。希請於功德寺。宋秘書少監。贈正議大夫林旦。墓在吳縣。至德鄉博士。鵬。宋朝散郎林處。墓在吳縣。相博士。鵬。宣和六年葬。宋兩浙。帳勾林濟。墓在吳縣。至德鄉。馬鞍山。弟。與葬同處。潘字禹川。梁之孫。首之子。與字公陟。宋利州觀察使。致仕。李直中墓。在吳縣法華院。孫仲益銘。宋禮部侍郎唐輝。祖墓。在吳縣橫山寶積寺傍。凡十七世。紹興間。產紫芝數本。未幾。輝之子壽登。其士弟。至今衣冠不絕。周益公南歸錄云。唐致遠先隴。自五代以來。接續葬一山。平。

永樂大典卷二千三百六十七

江世家。惟此歲久云。宋龍圖閣學士徐林墓。在吳縣靈岩山西。宋范文正公祖墓。在吳縣天平山。三讓原。曾祖夢齡。事吳越。終蘇州糧料官。贈大師徐國公。祖贊時童子出身。終秘書監。贈大師唐國公。父壙。從錢俶歸朝。終武寧節度掌書記。贈大師周國公。天平吳巨鎮。周遺十里石山。而上穴。人以為范氏慶源云。宋朝散大夫知温州周奕墓。在吳縣陽山白龍塢。祠于繼善菴。會孫炳文附焉。宋工部尚書李堪墓。在吳縣至德鄉洞涇水西。天禧二年葬。宋銀青光祿大夫廣平侯程師孟墓。在吳縣橫山下。其地有石隙涌水。自然成泉。宋濠州錄事參軍杜沂墓。在吳縣堯峯寺北。紹聖三年九月四日。與妻江氏合葬於此。江氏尚書虞部郎中諱東之女。陳瑩中銘。宋長樂郡君賀氏墓。元豐六年七月葬。吳縣橫山桃花塢。宋刑部郎中直史館致仕張沔墓。在吳縣穹窿山蒼陽子。詵正議大夫。直龍圖閣。清河郡侯附焉。宋張諷妻彭城縣君劉氏墓。在吳縣穹窿山。劉氏字德姬。貢父姊。熙寧八年九月。附皇舅墓。次。貢父為銘。諷字隱直。宋睦州壽昌令李璣墓。在吳縣天平山。妻鄭氏附。子鼈。見孝友傳。宋施昌言妻。萬壽縣君徐氏墓。在吳縣三讓鄉陸公原。歐陽永叔銘。宋天章閣待制沈起墓。在吳縣長山鄉三顧原。起自興宗元祐中。以刑部郎中。

天章待制知杭州三年七月卒于蘇州沈存中為銘 宋朝請郎司封吏部員外郎謝亨墓在吳縣穹窿山麝香塢字允中建安人元符三年賜第累遷利路轉運判官宣和二年五月卒于京師年五十四葬于此山子孫遂為蘇人 宋正議大夫東海郡侯贈少師徐師閔墓在吳縣蒸山 宋廷康殿學士正奉大夫徐鑄墓在吳縣知平江樓昇撰墓志宣和五年二月十九日卒于私第 宋贈奉議郎王仲舉墓在吳縣橫山桃花塢政和元年卒江公望撰志從孫溯西參議大本大本從弟大成大成子楙並附焉 宋尚書戶部郎中陳彥恭墓在吳縣附光福山先塋彥恭字子愿 絳曾孫元祐進士建炎中卒年七十二汪彥章銘 宋胡嶧世墓在吳縣至德鄉金井塢建炎三年芝草生其上嶧自有詩 宋龍圖閣學士周武仲墓在吳縣橫山楞迦寺傍建炎三年葬楊中立銘武仲字憲之建州浦城人官至尚書 宋贈少師胡獻忠公墓在吳縣黃山少師諱元質 宋諫議大夫常同墓在吳縣聚鳩周南請書記云常同子正卒於海鹽其妻方滋務德女弟時子弟尚幼傳聞婿蘇師德祭文獄起懼禍將錄其家遂盡燬所有一簪不留護柩之眾隲黃氏葬于水濱以待南荒之命時紹興二十年也按史同 卬州臨卬人御史安民之子政和六年進士靖康中歷太常博士高宗朝史館修撰禮部侍郎御史知湖州卒 宋直龍圖閣張詢墓在吳縣胥山南峯之南稱十龍圖詢字仲謀朝議大夫直龍圖閣清河開國子食邑五百戶賜紫金魚袋致仕章申公塔也其墳祠即高峯院 宋職方郎中沈衡墓在吳縣界衡字公持蕭山人官至職方郎中知潤州熙寧十年六月終于蘇州私第元豐元年二月葬蘇子容撰銘 宋贈特進盧文秀墓在吳縣 宋太子賓客贈少師盧革墓在吳縣 宋龍圖閣直學士贈少師盧秉墓在吳縣 宋端明殿學士贈少師盧法原墓在吳縣建炎初逆賊史斌據興州守臣向子龍遁賊謀入蜀時法原為幹轄與從刑邵伯溫遣兵扼劍門以拒之斌去蜀賴以安進川陝等路宣撫處置副使紹興五年春歿于王事奉詔歸葬平江又盧氏四世俱葬穹窿山下 宋太子中舍贈朝奉大夫邊珣墓在吳縣蒸山紹聖二年十二月葬 楊尚書左丞陸佃銘 宋承議郎管勾南京留司御史臺公事賜緋魚袋贈中大夫邊裕墓在吳縣蒸山子八人 知微 知章 知白 知常 知遠 知節 知存 知新 志附焉 宋朝請郎通判開德軍府邊知章墓在吳縣建炎四年九月附蒸山弟知白銘 宋都官郎中章甫墓在吳縣長山鄉任墟村道士隲崇寧五年葬楊時撰碑龍圖閣直學士通判嚴

州黃巢書按章氏自唐末由南康徙浦成爲著姓至甫始居于蘇宋郡
官即中龔宗元墓在吳縣南峯靖康中外孫顧彥誠爲兩浙轉運副使至
蘇首拜都官之墓延尉護至山中親題亭壁人皆榮之宋宣教郎龔
明之墓在吳縣附南峯鍾離松銘龔氏自高曾以來葬西山者二百年有
地數百畝木皆合抱族人貧無行者欲赭其山明之獨不聽衆欲辱賂明
之泣且罵厲力不勝衆伐一木仆輒爲號慟響振林谷聞者哀之族人分
其直計千緡明之不有一錢自買松數萬補其闕族人以貧故歲時祀享
不至明之率子弟修祀諸墳歲徧惟謹宋樂圃先生朱長文墓在吳縣
支硎山南峯西元符元年二月辛張景修撰銘朱希表宋直秘閣黃策
墓在吳縣策挺之孫彥之子無疾端坐而卒自題其墓曰隨緣居士之塔
右三墓在長山鄉銅井山自挺以下子孫多葬此不暇悉書宋刑部尚
書黃由墓在吳縣鄧尉山妻胡夫人祔宋朝議大夫直寶文閣胡堅常
墓在吳縣呂山宋太師蘄國韓忠武王墓在吳縣靈巖山西紹興二十
一年十月葬敕使徐仲護其事吳長洲二縣令奔走供役孝宗御題神道
云中興佐命定國元勳之碑碑高十餘丈趺蓋在馬初勒文而未立龜趺
留木清嘉定間以景獻恩例敕葬趙希博子穹窿相傳磨韓碑爲趙用者

其後始樹碑爲樓三成以覆之正與穹窿相直不數月韓氏首長其長子
時有術者言少頃幾時穹窿亦未易當隕報景獻薨宋贈太師謚正惠
趙希博墓在吳縣穹窿山冢之左右而後多生紫芝故名瑞芝菴理宗御
題三大字宋浙西總管贈檢校少保忠勇李寶墓在吳縣橫山宋參
知政事范文穆公墓在吳縣天平山上沙村先隴側宋秘書省正字周
南墓在吳縣穹窿山職陽宋廬州司錄郁昇墓在吳縣查山村祖崇墓
下有錫類菴昇隆興初進士舒州懷寧簿不赴歷宣州寧國簿廬州司錄
淳熙四年授承事郎常州教授致仕宋瑞州教授郁中墓在吳縣至德
鄉鴈蕩中紹定二年進士瑞州教授嘉熙初漕檄校文九江卒官子紹廷
和州歷陽尉墓附紹廷咸淳元年進士和州歷陽尉舍山縣事授從政郎
兼淮西制幹奏舉廉平科終儒林郎宋朝奉郎知錢塘縣葛璩墓在吳
縣至德鄉洞涇鳳凰原初少師文康公勝仲之子立章由江陰青陽徙居
平江因葬於此立章之子成忠郎均承節郎璩及璩子宣教郎汝諧志祔
焉宋參知政事贈少保高定子墓在吳縣洞庭鄉包山有墳祠賜昭先
顯慶禪院宋贈宣義郎丘瑄墓在吳縣曾孫知臨江軍墓墓並在盤門
外墓子承事郎連水丞稼稼子將仕郎洙附焉宋奉議郎鄭時發墓在

永樂大典

卷二二六六

吳縣 宋中奉大夫兵部尚書鄭起潛墓在吳縣陽山西淳祐中理宗御書錦峯二字以表其地起潛刻石誤記有云其石有文厥土五色墓前有昭明寺西有福田菴云 宋度支金部郎中魏近思墓在吳縣蒸山近思魏文靖公子封蒲江縣男 宋知廣德軍莫子文墓在吳縣靈巖鄉宴宮里 宋登仕郎徐雷龍墓在吳縣鄧尉山任墟里 宋知榮州虞夷簡英簡妻恭人鄧氏二墓在吳縣蒸山子戶部郎中知岳州魏兢妻令人魏氏同附焉 宋知連州虞亞字成夫元以孫某顯追封雍郡侯墓在吳縣至德鄉張市村王庭山夫簡夫子 宋大理少卿湯倚墓在吳縣長洲鄉安寧村萬安山子仁和知縣誼伯孫宣教郎夢夔附焉 宋鄧虎臣景台墓在吳縣二十一都陽山西白龍祠南 宋贈刑部侍郎陳質墓在長洲縣華山其子之奇等墓亦在焉質有五子之奇家知名之元之祥之光皆早世先是之祥忽夢上帝召修三洞真經未幾果死王介甫為銘之武為明州觀察推官贈都官員外郎生伯陽伯倫亦以文章顯伯倫中進士甲科終止田員外郎女弟適國子直講王逢自伯倫亡其家益替矣 宋龍圖閣學士章敏公滕元發墓在長洲縣陽山果隲蘇文忠公銘實錄云元發卒於元祐五年十月乙卯王巖叟奏伏見元祐大夫龍圖閣學士滕元發

永樂大典卷二二六六

十三

今月二十四日暴卒於都城之外切以元發慷慨敢為建事四朝中外敬歷風績有聞既歿之日家無餘貲士大夫聞之莫不嘆息王氏揮塵錄云元發奮身寒苦兄弟三人誓不異居而弟中恃其友愛無所不至元發自高陽易鎮揚州在道而卒喪次國門朝士皆出會弔故中丞蘇轍奏元發昔事先帝早蒙知遇有弟中從未無行今元發既死或恐從此凌暴諸孤不得安居緣元發出自孤貧兄弟別無合分財產欲乞特降指揮在京及沿途至蘇州以來官司不得中干預家事奏薦恩澤有旨令開封府備榜舟次孤賴以安中以陰補官宣義郎簽書宣州判官廳公事薛吳縣寄隆山蔚香隅今名滕家隅 宋資政同知樞密滕康墓在長洲縣華山康字子濟贈太子少師友之子也揮塵錄云晏元獻夫人國初功臣王超女有一硯甚奇古王氏舊物也號傳塔硯初傳晏元獻次傳富鄭公三傳馮文簡四傳朱聖子五傳滕子濟皆登二府真盛事也又有古犀帶一亦元獻物並族滕氏 宋贈正議大夫滕高承議郎知解州滕中宣議郎知蕪湖縣滕修將仕郎滕璞 四墓按滕氏譜高字仰之章敏公元發之父其處厚作墓志中字元直忠節公茂實之父崇寧五年卒墓作志未若書修字敏叔忠節公之子紹興二十七年卒璞敏叔之子也已上四墓並在長

州縣長洲鄉集嘉里華山白蓮峯以畝計者二十有三號勝家山寶祐二年
年堞子大高以其地之半歸興教院得淨園奉祠焉 宋樞密資政王倫
墓在長洲縣陽山大石為昭烈中執葬於此倫字玉道奉使金國留之河
間六年紹興十四年以不受偽官自縊死其子述聞之擗踊號絕勺飲不
入口者五日是冬冒萬死與從兄遵同往方豪俠訪得父骨於河間歸焉

宋司農少卿高溶墓在長洲縣陽山溶先任平江糧料院 宋賜廡靖
處士滕成墓在長洲縣華山葉適撰銘 宋屯田郎中方龜年墓在長洲
縣七墳湖西子惟深宣和四年附葬其南 宋尚書右丞朱諤墓在長洲
縣陽山下壘城頗侈時蔡京當國與諤厚善較葬有水墓菴按本傳諤字
聖子華亭人附會蔡京以進嘗賜弟於蘇因家焉大觀初為尚書左丞諭
月辛贈光祿大夫謚忠靖揮塵錄云元祐名卿朱紱君子人也嘗登禁從
紹聖初不幸坐黨錮崇寧間華亭朱紱初登第欲晦進用疏陳與姦人同
姓名遂易名諤字聖子蔡元長果大喜不次峻擢位至右丞未及正謝而
卒或云陽山澄照寺乃其家所請功德院也 宋朝議大夫孫載墓在長
洲縣彭華鄉白馬湖高景山大觀三年葬鮑欽止銘 宋總管刺史元居
實墓在長洲縣陽山周益公道山記云陽山吳之玉山也既橫鶯紹興間

永樂大典卷三千三百七

居實掌市骨董於椎場坐致高貨為平江總管大興工役葉文龍為生墳
傍起家舍雖園軒亦極梵砌之工門外栽花數千株屈折以入縻錢幾萬
給 宋處士姚子東墓在長洲縣北徐侯山朱思撰銘君諱元字子東長
洲人七歲而孤自知讀書舉進士以詞賦稱再試不合輒棄去嘆曰窮達
有分名不我遂命也由是絕意仕其推務著述自號北窓居士有棊玄五
十卷洞微經一十八卷次韻李瀚蒙求三卷及剡溪叢語玉林瑤編易素
書等其詩尤工云 宋處士黃居簡墓在長洲縣虎丘居簡字元易建安
人寓吳縣南宮鄉所居號澹菴最工於詩嘉熙中卒通判翁逢龍葬之
宋處士章康墓在長洲縣武丘鄉花溼康字季思自號雪崖居士 宋浙
西總管練使閻趙墓在長洲縣管山續會要淳熙三年六月閻趙奏以歸
正人在東南別無產業其間貧乏者不幸身故無地葬埋已於平江府閻
門外買地山三百畝作義墳許西北忠義死事人任便遷葬有旨從之
及趙卒遂葬於此 宋參知政事贈太師秦國魏文靖公了翁墓在長洲
縣彭華鄉高景山金盆陽了翁蜀人端平三年賜第蘇州嘉熙元年葬于
此在寶章閣史補撰神道碑于嘉忠思補承奉郎孫華發元將仕郎寧
國路南陵縣主簿曾孫三人長起次英將仕郎福州錄事次賢吉安路儒

學教授。及以下諸孫。悉於山陽附焉。宋真州司法參軍朱夢炎墓。在長洲縣彭華鄉福星徑。宋運幹湯暉老墓。在長洲縣九都武丘鄉。虎丘西謝卷子。碧山先生附焉。宋平江府通判高晞遠。照庵先生墓。在長洲縣齊門外。宋大府卿浙西安撫魏克愚墓。在長洲縣陽山。栗陽子華。團軍器監丞華。連大理司直華。敷淮西機宜文字附焉。宋劉宣教墓。在長洲縣彭華鄉高景山。孫教諭義。字宜齋。曾孫勉。字仲勉。同附焉。宋中散大夫陸煇墓。在常熟縣破山。館為江淮荆浙發運使。卧疾於真州官舍。及因萬常日出入儀仗。一切無故。動搖辱卒。歸葬破山守冢者。及山下每夕聞訶導聲。從墓門出。紅燭夾道。若赴燕集者。由是數里間。無敢殘暴其松橋木干。實感先如初亡之矣。五十餘年。乃漸衰歇。宋和州防禦使周忠惠公墓。在常熟縣虞山。宋武功大夫和州觀察使周興裔墓。在常熟縣虞山北。積善鄉孫才。松江制機檢察水部兵才夫人史氏同附焉。宋朝請大夫福建運判丘煥墓。在常熟縣頂山。曾孫烈。奉直大夫江東安撫司參議官附焉。宋劉適。改之。即龍洲先生也。墓在崑山縣馬鞍山。嘉定五年。王薄趙楸。買山葬于此。大府丞陳極為志。後為僧所壞。元至正間。里人顧瑛。以其事聞于州。州為立石表其上。作木主。寓祠于東齋僧舍。復暮春

永樂大典卷三三三六十七

祭云。又元虞士。顧玉山墓。在綽墩。元陳震龍。字潛齋。宋漕貢進士。補將仕郎。墓在長洲縣婁門東。顧清有東際菴。元葉大甲。高陽人。初以行御史臺管勾。歷任宿州海鹽濮州尹。官至朝列大夫。葬長洲縣陳公鄉。元俞石湖先生。葬長洲縣盤門外。尹山鄉孫玉墓之東南。元將堂字子中。泰定三年。鄉貢進士。墓在長洲縣武丘鄉。元俞事范忠墓。在長洲縣武丘鄉白蓮橋北。翰林學士袁損。誤墓碑于杭州路治中。景文孫公瑋附焉。元江浙行省參政。贈昭文館學士。封太原郡公。謚清獻。王公都中。至正初。卒。葬吳縣長洲鄉陽山。金井隔翰林承旨歐陽玄撰神道碑。元嘉議大夫禮部尚書致仕。于文傳墓。在吳縣閭門西。翰林學士黃潛撰封二代碑。元臨安縣尹。盧廷瑞。字君詳。范陽人。墓在吳縣橫山。陳澤侍御史周伯琦。誤墓志。元葛乾。孫字可久。墓在吳縣齊門北。元虞士王鑑。字明卿。真定人。至正二十六年。有司買山營葬。在吳縣靈岩鄉橫山之原。陳基為志。元儒士邵光祖。字弘道。饒州人。狀煒。字叔昭。吳人。皆萬寶有學之士。俱無嗣。吳之士友。葬于吳縣光福山。銘叔昭。郡人。吳南老銘。弘道。王行也。寰宇記。滄臺墓。在吳縣南十八里平城。孔子時。滄臺滅明。又有滄臺湖。朱洪墓。在婁門外一里。晉光祿大夫朱誕。墓字永長。父恩。本園中正。

有奇名。藏跡吳中。晉陽秋云。隙歟亂三吳。知名之士皆受爵祿。賀循未誕。不辱其身。宋杜子恭墓在吳縣。按吳地記云。子恭有內術。常就人借瓜刀。其主求之。恭曰。當相還也。刀主至。嘉興。魚躍入船中。破魚得刀。墓在西郭門外。輿地紀勝。石崇墓。夷堅。廣志云。平江府吳縣。賣華山。相傳以為石崇墓。宣和六年。居民王十浚。築見古塚甚多。有一老人出曰。不可掘。掘今已斷。山脉泄旺氣矣。黃門侍郎潘岳墳在石崇墳之西北。吳地記。上將軍顧榮墳在吳縣東。南一十七里。吳地記。

永樂大典卷之二千三百六十七